

## Фиқҳ дарслари (207-дарс) Намозни бузувчи нарсалар (биринчи мақола)



00:00 / 03.12.2022 2151

Намозда уни адо қилиш учун шариатда кўрсатилган кайфиятга хилоф нарса содир бўлса, у бузилади ёки бошқача қилиб айтганда, ботил бўлади. Бу вақтда намозни қайта ўқишга тўғри келади. Қуйида ҳанафий мазҳаби уламолари «намозни бузади», деган нарсаларнинг баъзилари билан танишиб чиқамиз.

Намозни қуйидаги нарсалар бузади:

1. Мутлақ калом.

Намозда қасдданми, унутибми, билмасданми, хато тариқасидами ёки мажбуранми, гапирилса, у ботил бўлади. Бу нарса икки ҳарфни ёки

фаҳмласа бўладиган бир ҳарфни нутқ қилиш билан бўлади.

Бу ҳукмнинг далили:

لُجَّ رَلَا مُلَكُيْ ءِةَالِّصَلَا يِفْ مُلَكَتَن اُنْكَ :لَا قُوَّةُ عُلَلَا يَضَرَّ مَقْرَأَ نُبْ دِي زَوْعَ  
نَع اَن يَهُنَّو ءِتُوكُ سَلَابِ رِبْ بْ بْ :تَلَزَن يَّتَحِ ءِةَالِّصَلَا يِفْ ءِوَبْنَجِ يَلِ اُوَّو ءِوَبْحَا ص  
ءِةَسْمَخُلَا ءِاَوْرَ ءِمَالِكُلَا

Зайд ибн Арқам розияллоҳу анҳудан ривоят қилинади:

**«Намозда сўзлашаверар эдик. Киши намозда ёнидаги шеригига гапираверар эди. Ниҳоят «Аллоҳ учун тоат ила жим туринглар» ояти нозил бўлганда сукут сақлашга амр қилиндик, гапдан наҳий қилиндик».**

*Бешовлари ривоят қилишган.*

2. Қасддан берилган салом ва унга алик олиш.

Қасддан салом бериш намозни бузишига далил:

مَلَسُو هِيَ لَعَلَّ اِلَصَّيْبِن لَلَا يَلَعُ مَلَسُن اُنْكَ :لَا قُوَّةُ عُلَلَا يَضَرَّ هَلَلَا دَبَعُ نَع  
مَلَفِ هِيَ لَع اَن مَلَسِي شَا جَلَلَا دُنْعُ نَم اَن عَجْرَا مَلَفِ ، اَن يَلَعُ دُرِّي ءِةَالِّصَلَا يِفْ وَّو  
يِفْنِ اِ :لَا قَفِ . اَن يَلَعُ دُرْتَفِ كُيَلَعُ مَلَسُن اُنْكَ ءِ هَلَلَا لُؤْسَرَا يِ : اَن لُقَفِ ، اَن يَلَعُ دُرِّي  
لَحِي اَل ءِةَالِّصَلَا هَذَه اِن اِ : دَمَحَا وَا دَا دِي بَا وَا مَلَسُ مَلَو ءِ اَن اَخِي شَلَا هَا وْر . « اَلْغُش ءِةَالِّصَلَا  
» : اَن اَرْقُلَا ءِةَا رَقُو رِي بَكَّت لَا وَا حِي بَسَّت لَا وَا ءِ اَمَّن اِ ءِ سَا ن لَلَا مَالَكُ نَم ءِ يَشَا هَا يِف

Абдуллоҳ розияллоҳу анҳудан ривоят қилинади:

**«Набий соллаллоҳу алайҳи васаллам намоздалик чоғларида у зотга салом берар эдик, у зот алик олар эдилар. Нажошийнинг ҳузуридан қайтгач, у зотга салом берсак, алик олмадилар. Шунда биз: «Эй Аллоҳнинг Расули, сизга салом берсак, алик олардингиз?» дедик. У зот: «Албатта, намозда машғуллик бор», дедилар».**

*Икки шайх ривоят қилишган.*

Муслим, Абу Довуд ва Аҳмад келтирган ривоятда:



Мажбур бўлиб ёки овозини яхшилаб олиш учун томоқ қирган кишининг намози бузилмайди. Аммо узрсиз икки ҳарф миқдорида овоз чиқариб томоқ қириш намозни бузади.

(Давоми бор)

**«Кифоя» китобининг биринчи жузи асосида тайёрланди**